

Die 23 Iunii

Ss. Zenonis, Zenæ et omnium Ss. Martyrum Transjordaniae

(Mem. facultativa, sed in *Transjordania*: Mem. obligatoria)

Ant. ad introitum

Gáudent in cælis ánimæ Sánctorum, qui Christi vestigia sunt secúti; et quia pro eius amóre ságuinem suum fuderunt, ideo cum Christo exsúltant sine fine.

Collecta

Præsta, Dómine, précibus nostris cum exsultatióne provéntum, ut sanctorum Zenónis et Zenæ, aliorúmque márturum quorum passióem ánnua devotioe recólimus, étiam fidei constántiam subsequámur.
Per Dóminum.

LECTIO PRIOR

« *Hi sunt qui venerunt de tribulatione magna* »

Lectio libri Apocalypsis beáti Ioánnis Apóstoli 7, 9-17

Ego Ioánnes vidi turbam magnam, quam dinumeráre nemo póterat, ex ómnibus géntibus et tribubus et pópulis et línguis stantes ante thronum et in conspéctu Agni, amícti stolas albas, et palmæ in mánibus eórum; et clamant voce mágna dicétes: « Salus Deo nostro qui sedet super thronum, et Agno ». Et omnes ángeli stabant in circúitu throni et Seniórum et quát-tuor Animálium, et cecéderunt in conspéctu throni in fácies suas et adoravérunt Deum dicétes: « Amen. Benedíctio et glória et sapiéntia et gratiárum áctio et honor et virtus et fortitúdo Deo nostro in saécula saeculórum : amen ».

Et respóndit unus de Senióribus dicens mihi : « Hi qui amícti sunt stolis albis, qui sunt et unde venérunt? ». Et dixi illi : « Dómine, mi, tu scis ».

Et dixit mihi: « Hi sunt qui véniunt de tribulatióne magna, et lavérunt stolas suas et dealbavérunt eas in ságuine Agni. Ideo sunt ante thronum Dei et sérviant ei die ac nocte in templo eius et qui sedet in throno habitábit super illos. Non esúrient ámplius, neque sítient ámplius, neque cadet super illos sol neque ullus æstus, quóniam Agnus qui in médio throni est pascet illos et dedúcet eos ad vitæ fontes aquárum et abstérget Deus omnem lácrimam ex óculis eórum ».

Verbum Dómini.

R̄. Qui séminant in lácrimis, in exsultatióne metent.

- 1 In converténdo Dóminus captivitátem Sion,
facti sumus quasi somniántes.
Tunc replétum est gáudio os nostrum,
et língua nostra exsultatióne. R̄.
- 2 Tunc dicébant inter gentes :
« Magnificávit Dóminus fácere cum eis ».
Magnificávit Dóminus fácere nobíscum;
facti sumus lætántes. R̄.
- 3 Convérte, Dómine, captivitátem nostram,
sicut torréntes in austro.
Qui séminant in lácrimis,
in exsultatióne metent. R̄.
- 6 Eúntes ibant et flebant,
semen spargéndum portántes;
veniéntes autem vénient in exsultatióne,
portántes manípulos suos. R̄.

ALLELUIA

Mt 5, 10

R̄. Allelúia V̄. Beáti qui persecutióne patiúntur propter iustí-
tiam, quóniam ipsórum est regnum cælórum.
R̄. Allelúia.

EVANGELIUM

« Nolite timere eos qui occidunt corpus »

✠ Lécio sancti Evangélii secúndum Mattaéum 10. 28-33

In illo témpore :

Dixit Iesus Apóstolis suis : « Nolite timere eos qui occí-
dunt corpus ánimam autem non possunt occídere ; sed pótius
timéte eum qui potest et ánimam et corpus pérdere in gehénna.

Nonne duo pásseres asse vénent? Et unus ex illis non
cadet super terram sine Patre vestro: Vestri autem capílli cá-
pitis omnes numeráti sunt. Nolite ergo timere : Multis passé-
ribus melióres estis vos.

Omnis ergo qui confitébitur me coram homínibus, confi-
tébor et ego eum coram Patre meo qui est in cælis; qui autem
negáverit me coram homínibus, negábo et ego eum coram
Patre meo qui est in cælis. »

Verbum Dómini.

Super oblata

Súscipe, sancte Pater, múnera
quæ in sanctórum máryrum commemoratióne deférimus,
et nobis fámulis tuis concéde,
ut in confessiόne tui nóminis inveníri stábiles mereámur.
Per Christum.

Ant. ad communionem

Io 15, 13

Maiórem dilectiόnem nemo habet, ut ánimam suam ponat quis
pro amicis suis, dicit Dóminus.

Post communionem

Deus, qui crucis mystérium
in sanctis martyribus tuis mirabiliter illustrásti,
concéde propítius : ut ex hoc sacrificio roboráti,
Christo fidéliter hæreámus,
et in Ecclésia ad salútem ómnium operémur.
Per Christum.